

SAWI BAM AFÉRIKAYE KELA HAKKIYA KAMBE-A JAMAWAYE-A HAKKIYA KAMUYE AFÉRIKALAN WUJENAYE

Translated by: Michel Bodet Mai Moussa Mai

Awowa aniye kelan fandana :

Kal burwoye- Maanawa (curo fisarduyen bawo)

Kal 2- Kamuwaa gayirdu baworo dio

1. Larduwadə kamuwaa gayirduye naptunju fin yayen baworo dioro məldai, jawalla jussana jawal wadayen, kidaramben-a gadeyen-a tuluwolan. Adəa dioro larduwadə nia ania ngojana :
 - a) curo Bamnja lardu nodoyen-a kakkaduwa gade wada wujanaye-an hal nankalkal katte kwanga-a kamu-aye, burwon ruwudənnia, ruwujai koro tilan faidadairo tabbaccagai ;
 - b) awowa wadawa wujana-a wadawa jussana-a cattuluwe tayilan kida kalkallo tədi har tayi awowa ania dio dapcagai-a wowomja-a curon : jiriya gayirduye-a awowa dioro diwi-a samma kanji nanlewa-a kəji fanda-a kamuwayero kuttudə ;
 - c) jəktuwa kamuwaye curo niawanja siasaye, wadawa, fasalla-a kidawa fuwumbuiye-a koro awowa gade samma kəndəgai wujana-adəa casakki ;
 - d) nasha gayirda jawal hakkiyen kamuwaa wujəna tədi kərgadən, karwun yassaiye koro ngəla mada ;
 - e) niawa bəlaye, larduye, kəryeye, cidiye jiriya kamuwa gayirduye sammaa baworo dioro ngodənadəro duno tio.
2. Larduwadə fasalla-a jiriya- hal naptu curo jamayen-a adayen-a kamu-a kwanga-a wujənaa falduro nia ngojana jamaa nəngawa lawar njoyen, alamda lawar njoyen alamdulan. Adə ye adawa diwi diwi kəla nangana-a nankura-a kwangaye bi kamuye bi kida adə kamuye, adə kwangaye kəlaro takkənadəa baworo dioro.

Kal 3- Hakki daraja fandoye

1. Kamu fi yayero daraja adamgənaye njo koro hakkiyanju adamgənaye asudu-a səriwodu-adə wajəpcəgəna.
2. Kamu fi yayero naptunju nankamuye-a rawonjun fuwumbui kəlanjuye cədi-aro daraja njodə wajəp.

3. Larduwadə wadawa jussana cattuluwi koro tayilan kida cadi kamuwan faidadu fi yaye bi kamuwaro kuttu njəddo fi yaye daptuwuro.
4. Larduwadə wadawa jussana cattuluwi koro tayilan kidajai hakki kamuye kanji darajanju darajadu-a jiri basari fi yaye masammanno basari fərdula-a manakuttu-aro tia səriwoduro.

Kal 4: Hakki roa dəga-a kəjin dəga-a səriwo-aye

1. Kamu fi yayero kəndəgainju darajadu-a kəjin dəganju-a tiyinju səriwodu-a wajəpcəgəna. Kamun faidadu, tiro wowom gənaduwu bi awo adamgənaro kuttu njəddo jiri fi yaye njəddodə dapkadaro waljo.
2. Larduwadə wadawa jussana tayilan faidadaı ania dioro ngojai:
 - a) wadawa basari kamuwa wujana jiri fi yaye curon tado niadənni bi dunoye, gəragadan bi feden tədi daptuwuro;
 - b) wadawa gade, kakkaduwa kidarambe, jamala, arsiyi wujana-a gade-a fi yaye cattuluwi basari kamuwa wujana fi yayero kaduro, tia wowomduro, tia baworo dioro;
 - c) dalilla- kəngairamma-a basariya kamuwa casaiye asudu koro jawalla jussana tayiro kaduye-a baworo dioye-a ngodu;
 - d) alamda nanlewaye jawal fasalla ilmu njəkkəraiye-a lawar jamaro njoye-a duno tio yasara so, awowa adaye so, kəlaro takkəna so casakke kamuwa basari casaidəa baworo dioro;
 - e) am kamuwa basarjaidəa wowomdu koro fasalla kamuwa canja gairo kalaktuye dio;
 - f) dawariya-a kidaramma lawar njoye, na cayero kalakkutuye, kamuwa basari casanadəro sərəm njoye dio;
 - g) sawur tadawayero kadu-a tia wowomdu-a, am sawur adəa diowudəa fuwu sharayero yado koro kamuwa tajirwa adə wujənadəa səriwodu;
 - h) karwun kamuwaro rawonjalan gəni njəddo fi yaye daptu;
 - i) kunguna baitumballe jussəna-a gade-a madu, awowa basari kamuwa casaidəa yakkəme kadu-a baworo dio-aye kəla kuro-a dio-aro ;
 - j) larduwa na awo adə tədidən, shara karmoye kamu curo-a cəkkəmbi-a cədaiwaworo tabbattuwu;
 - k) kamuwa-a kwangawa-a fuduwa tayi naptu hijirawuye cadidəro kalkallo ngasayi koro kamuwa hijirawudə səriwo ngəla-a kunguna hakki duniala hirirawuye wuljənadə gai-a karta dandi-a kakkaduwa gade-a cawandiro tabbattuwu.

Kal 5- Adawa diwi baworo dio

Larduwadə adawa diwi jiri fi yaye hakki kamuwayero kuttu jiri duniala gai gənidəa dio daptcagai koro wowomjai. Larduwadə wadawa samma-a jawalla gade-a ngojai adawa ania baworo dioro:

- a) jaman wunduma koldənniro kəlafərəm jawal fasalla lawar njoyen, alamda lokkollan bi kəndəgairambelan tədiyen kəla adawa diwi aniyen njəddo ;
- b) wadawa-a wowom gənadu-an basari kamurambe, redu, basari kamurambero fanduwe karwun njəddo bi kəlanəmbo karwun njəddo-a fi yaye-a awowa dioro diwi gade-a dioro daptuwu ;
- c) bana jussəna kamuwa awowa diwi caddənadəro jawal lowotordiyen, sharayen, galalan, ilmu kudolan kəlanjan faidadaro kudo ;
- d) kamuwa tajirwa awowa diwi aniyə bi basari jiri fiye yaye, kojəgənaye kasaktunambuye cuwandidəa səriwodu.

Kal 6- Niya

Larduwadə casakke kamu-a kwa-a hakki nankalkallen kəji fanjai koro niyalan tayi samma kalkallo waljai. Adəa dioro larduwadə wadawa jussana ani tadoro cattuluwi:

- a) niya fima rawo-a kasattu-a tayi yindiyen gənia, tədiwawo;
- b) kərwu niya dioye feroye gənanju kərwu 18;
- c) Kamu falla dəgadə tima jiri niyaye təragəna duno tidəro. Hakkiya kamuye curo niyaye-a curo jama fannjuye-a naptunju kemiyaye-adəro bana cakkudi səriwodai;
- d) niya fi yaye jawal jussənan tədəna nodi, tədənarəo kakkadun ruwujai koro wada larduye wuljənadə gai curo bamben ruwujai;
- e) kamu-a kwa-adə fandane jiro niyanjaye-a na kəndəgairamnjaye-a kərejai;
- f) kamu niya cədənadə hakki cunjun faidaduye-a jiri cəragənaro cunju runjun bi kwanjuyean faidaduye cədana;
- g) kamu niya cədənadə hakki nankam larduyen dəga-a nankam larduye kwanjuye fando-aye cladana;
- h) kamudə kanji nankam larduye yallanjayen fandoyen hakki faldəmaa cəda wadawa larduye-a səriwo larduye wuljanadə gai gəni cannadəro kajia;
- i) kamu-a kwa-adə kəla tilonna kəji jamaye-a səriwo-a yallanja alamdu-aro bana cawudi;
- j) curo naptu niyayedən kamuro ləman kəlanjuye fando-a rawonjun nodo-a wajəpcəgəna.

Kal 7- Runəm bəna-a dəptu-a niya namdu-a

Larduwadə nia wadawa jussana tuluwoye ngojana kwangawa-a kamuwa-a kəji hakkiyadəmaye sa runəm bəna-a dəptu-a niya namdu-a wakkajaiya fanjaro. Kəla adəyen, ngainin tadoro carui:

- a) runəm bəna-a dəptu-a niya namdu-adə shararamlan tadi;
- b) kamu-a kwa-adə runəm bəna, dəptu bi niya namdu kororo hakki faldəmaa cada;
- c) sa dəptu bi niya namdu bi runəm bəna wakkajiya, kamu-a kwa-adə hakkiya-a awowa tayiro wajəpcəgəna-a kəla yallanjayen cadana. naptu fi yayen awo madi kuradə tima awo yal cəragənadəa dio;
- d) sa dəptu bi niya namdu bi runəm bəna wakkajiya, kamu-a kwa-adə hakki ləmanna tayi yindiye curo naptunja niyayen ganjanaa kalkallo dagarduye cadana.

Kal 8 : Shararambo ledə-a fuwu wadayen kalkallo səriwodu-a

Kamuwa-a kwangawa-adə fuwu wadayen hakkiya kalkaldəman faidadai koro hakki səriwoye-a riwa fando kalkal wadaye-an faidadai. Larduwadə jawalla jussana fi yaye majai ani wakkajaro:

- a) kamuwa sammaro bana-a kidaramma shararambe-aro ngawo-a;
- b) niawa ngowada bəlaye-a larduye-a kəryeye-a cidiye-a kamuwaro na bana njukkodo-a kidaramma sharayero-a ngasaaro tadənaro bana kudo;
- c) kidaramma alamduye ngəla-a kidaramma jussana gade masammanne kamuwaye-a kokta koro jama sammaro hakkiya kamuyen kəlafərəmda njəddon;
- d) kidawu wadan aji fin yaye kida diowudəro ilmu njo rakca ngəlaro fisarja koro nankalkal hakkiye katte kamu-a kwanga-ayedən kida kalkallo cadoro;
- e) nanngəwu kwangawayea kalkal kidaramma sharayen-a tayi wadan kida cadi-ayen;
- f) wadawa-a kəndowa gayirdu diowu-a faldı hakkiya kamuye fuwu juwo koro səriwo cuwandoro.

Kal 9- Hakki sawi siasaye-a nia ngoda-aro mukko njakkoye

1. Larduwadə kəndowa faidaa cadi nodo wunduye mukkonju cakki-a koro nanngəwu kamuwaye-a kwangawaye-a kalkal curo mukko njakkoyen curo siasa lardunjayen jawal kəndo-a wada larduye-a koro wadawa gade-a casakke ani yojai:
 - a) kamuwadə gayirdu fima bawoalan walawala fi yaye cadi;
 - b) ndaran yaye na walawala tədidən nanngəwu kamuwaye-a kwangawaye-a kalkallo walji;
 - c) kamuwadə sawawa kidaye kwangawa-a kalkal ndaran yaye na awowa siasa -a fasalla fuwumbui larduye-a ruwujai koro casakke tayilan faidadaidən;
2. Larduwadə casakke ndaran yaye na nia ngodidən kamuwa ngəwu isane mukkonja casakki.

Kal 10- Hakki nanlewaye

1. Kamuwadə hakki curo hangalsango bawoyen dəgaye cadana koro hakki nanlewa dəga fuwu juworo mukkonja njakkoye cadana.
2. Larduwadə kamuwaro jawal jussəna majagai kamuwa ngəwu awowa aniro mukkonja casakkoro caluworo :
 - a) fasalla alamda kəla nanlewa-a nanlewan dəga-ayen ;
 - b) dawariya-a sawiya kaduye-a nodoye-a wada kəla lawalaye bəlalan, lardulan, kəryelan, cidilan, dunialan;
 - c) dawariya bəlawaye, larduwaye, kəryeyaye, cidiyaye, duniaye nia ngodaye səriwo tiyiye, jamaye-a sharaye-a am kənde majaiye, hijirawuye, am dunon cawudənaye-a am bərdana-aye masammanno kamuwaye;
 - d) na dawariya nodo na napcanaye tədi fiyen koro nawa gade am cawarəne isane napcanayen, hijirawu, dunon casakke isana, am bərdana masammanno kamuwa;
 - e) nashawa fasalle, ruwu dioye koro fasalla walləme tandoye-a ngawo lawala cerənayen amba bəlanja cayero kalakcanaye-an kida dio.
3. Larduwadə jawalla jussana majai kunguna kəla sojiyayen tediðə gəna jagarduro fuwumbui jamaye nangaro masammanno fuwumbui kamuwaye nangaro.

Kal 11- Kamuwaye səriwo curo lawala barimialan

1. Larduwadə nia ngojana wadawa hakki duniala adamgənaa wujana sa lawala barimia cijiya jamaa leji masammanno kamuwa tayilan faidadaidəa, darajaduro koro casakke daraja cadoro.
2. Larduwadə awowa tayiro dolero waljəgəna nasha hakki duniala jamaa wujənayedən, lawala barimia cijiya, amcələmdəa səriwojai kamuwa curonna jama fiyen kasarga yaye.
3. Larduwadə nia ngojana kamuwa larduro kəndero caworəna, hijirawu, dunon cawudəna bi bərdanadəa aniro səriwojai: basari jiri jiri, dunon mada, jiri gade fərdulan faidaduye koro basari jiri ani gaidə biwuwa kəriwuye, kamcejiye koro am biwu ani gai cadənadəa fuwu shararam adəma kidanjuyero casadiro tabbaccagai.
4. Larduwadə jawalla jussana sammaa majai bare tada fima masammanno fero fima kərwu 18 cədənnidə hangalsangoro mukkonju cakkənniro koro tada fima nansoji cədoro ngojanniro.

Kal 12- Hakki alamdaye-a ilmu fandoye-a

1. Larduwadə ani wakkajaro jawalla jussana sammaa majai :
 - a) kamuwa gayirdu jiri fi yayea baworo dio koro kanji alamda-a ilmu njo-ayen wunduye kamanjua kojənnin cawando cado ;

- b) awowa kwanga-a fero-a gayirdu cawudi curo kitawuwa yallayen, fasalla ilmu njèkkèraiyan-a jawalla lawar njoye-an dasaana sammaa baworo dio ;
 - c) kamuwaa masammanno feroa dunon koda fi yayero sèriwodu, lokkol son, na ilmu njoye gade son kèla hangalnja sango fèrdunjan faidadu madayelan koro wowom am awowa ania cadidèa cèdai cattuluwo ;
 - d) kamuwa tayiro dunon koda fèlejaane tayin faidadana-a fèrdunjan faidadaro hangalnja casangèna-adèro gala cado koro kidaramma tayia nanja caye gairo kalaktuwu majaa ;
 - e) mana kamuwa-a kwangawa-aye-a alamda hakki adamgènaye-a curo fasalla ilmu njèkkèraiye fi yayen cado koro sa musheya lokkollero ilmu tèkkèraida yen cado ;
2. Larduwadè jawalla awowa taruiye ani sajaro majai:
- a) fuwumbui kèlafèrèm kamuwaye;
 - b) fuwumbui alamda-a kamuwaro ilmu njèkkèrai-aye aji fi yayen koro ilmu tèkkèrai fi yayen masammanno ilmu kimiya-a dawari-ayen ;
 - c) fuwumbui ferowaa lokkol-a nawa gade ilmu tèkkèrai-an ruwuduye -a yakkème nadèn napcaye-a koro sawi fasalla ferowa lokkol daden kojanaye.

Kal 13- Hakki nasha kungunayen-a sèriwo jamaye-a

Larduwadè wadawa-a kakkaduwa gade kamuwaro kanji sa fandoyen kwangaa kalkallo walja kida madalan, curo kidayen fuwu bon, kidawa gade kunguna wujanaro ngasaworo mèrse ci cattuluwi koro tayilan kida cadi. Adèa dioro nia ania ngojana:

- a) fuwumbui nankalkal jawal kida fandoyen;
- b) fuwumbui hakki kida jìrinja tilon kamu-a kwa-aye alwasì kalkal wunduma kamanjuaye kojènni fando;
- c) kidawu ngodu, curo kidayen fuwu bo, kamuwaa kidan dudu ani wakkajaiya, wunduye nojènan tèdo koro hangalsango fèrdulan faidadu madaro na kidarambe tèdiro mèldu koro daptuwu;
- d) kamuwaro mèrse tio wunduma tayia cakkènnin kidanja kèreduyen koro tayia tayilan faidadu-a wurawanja kidaye hakkiyanja landun so, wadawa tayilan kuro kida cadi son nowada ye mèrse tina yedèa sèriwodu;
- e) jawalla fuwumbui-a bana kudo-a saniawa-a kidawa kunguna fandoye kamuwaye, masammanno kèlanjaye cadi-aye madu;
- f) kidaram sèriwoye-a asiransèye-a kamuwa kida gomnatiye gèni cadiro kokca koro kèlafèrèm tayiro tèddo mukkonja casakkoro;

- g) kərwu gananju kida dioye nodo, tadawa kərwu adəa cadannidəro kida dio daptuwo, yallan faidadu jiri tədi fi yayero məlduwu koro daptuwo masammanno ferowaro walyeraa;
- h) kida kamuwa curo fadoyen cadidəa isakəjiduwuro jawalla jussana madu ;
- i) kamuwaro mərse tio batalla kənjambiye alwası kawu casambiro ti koro ngawo casambənaye ti cawandiro adə kidaram kəmaa bi gomnatiyen kida cadiyen kal;
- j) kamuwa-a kwangawa-a karo wunduma kamanjuya kojənnin biyajiro tabbattuwu;
- k) kamuwa kidawudə hakki kunguna-a awowa gade kwanja-a yallanja-a wujana curo kidanjayen jiri kwangawa cawandidə gai tayi ye cawando;
- l) ba-a ya-ama nankuromo yallanja alamdu-a kəjifanda yallanjaye-a kəlaro ngojai, ngawonjan duwon gomnati-a kidaramma kəmaa kəlaro gəna laa ngojai;
- m) wadawa-a kakkaduwa jussana-a tuluo kamuwan faidadun bi kamuwaayakkəme səlma kənjənaye dioro bi awo darajanja bassiro məlduwu.

Kal 14- hakki nanlewaye-a kulasta kənjambirambe-a

1. Larduwadə hakkiya kamuye jawal nanlewayero daraja cadi koro casakke fuwu juwui har nanlewa fərduye-a kənjambiye-a dawunno. Hakkiya ani ania cada:
 - a) hakki nantadambe curo noda;
 - b) hakki yalla njambonjaye-a nanngəwu yallaye-a kənjambi kastaye-a niaduye;
 - c) rawonəm dawari kənjambi kastaye kəredu;
 - d) hakki kasuwawa fərdun ngodai-a biris sidaye-aro kəlanja kaduye-a tayia kaduye-a ta;
 - e) hakki kəla nanlewanjaye-a nanlewa rokko dasaanaye-a masammanno sa kasuwa fərdun ngodi-a biris sidaye-a ngojanan lawar fandoye ta, jiri dunian tədi nodənadə gainin;
 - f) hakki alamda kəla kənjambi kastayen fandoye.
2. Larduwadə ani yojaro jawalla jussana majai:
 - a) casakke kamuwa kidaramma nanlewaye ngəlaro, kunguna jau gənin na jauro kastənnin ngasayiro cadi, ngaima koro kanji fasalla lawar njoye, alamduye-a lawar kamuwaro njoye masammanno tayi bəladeyan dasaanayedən;
 - b) kamuwaro curoaro ngal curoye-a ngawo kənjambi tədənaye-a sa tada cakkəmbi-alan njəddo koro kidaramma dasaanadəa ngəlaro kalaktu;
 - c) hakki kamuwaye kənjambinjaye səriwodu masammanno banna lowortodilan tədi kasattu sa dunon mada bi curo ngoda nangua tədənan bi sa curo ngodadə cakke yadəye bi tada curoyedəye nanlewaro tajirwa laa cukkudiya bi ronjayemaro waljiya.

Kal 15- Hakki səriwo kəmboye

Larduwadə casakke kamuwa hakki kəmbo ngəla ye jussəna ye fandoye cawandi. Kəla adəyen jawalla jussana ani yojaro majai:

- a) casakke kamuwa ingi kənjaro ngəla-a awowa fadon kannu fuduye-a cidi-a dəlwua nema baredu-aye cawandi;
- b) kamuwa səriwo kəmboye cawandoro jawalla kəmbo kudoye-a captuye-a majai.

Kal 16- Hakki fado jussənaye

Kamudə ye kongwa gai hakki fado gandoye jawal fando kəjiyen na kəndəgairam ngəlaan cədana. Adə nangaro larduwadə kamuwaro, awi jiri naptunjaye yaye, fado jussəna majagi.

Kal 17- Hakki kəndəgairam adala ngəlaye

1. Kamuwadə hakki kəndəgairam adala ngəlan dəgaye-a siasawa ada wujana fi yayero mukkonja njakkoye-a cadana.
2. Larduwadə jawalla jussana sammaa majai kamuwaye ruwu siasa adalayero aji fin yaye mukkonja njakkodəa dunoajagaro.

Kal 18- Hakki kəndəgairam tayir dəgaro kəjiye

1. Kamuwadə hakki kəndəgairam tayirnin dəgaro kəjin dəgaye cadana.
2. Larduwadə jawalla ania dioro jussana majai:
 - a) mukko njakko kamuwayero jauro damaa curo fasal, nodo, səriwo kəndəgairambero koro arsiyi cidiyen ndaran yaye jussənaro faidadu tədiro dio;
 - b) ilmu mada-a kunguna njejo-a nasha awo latərik-a kannu panoye-a wujəna-a dawariya madi-a dawari lawar njoye-a koro kamuwaro tayin faidadu-a kəlanja kuro-a buduro kalaktu-aro duno njo;
 - c) fuwumbui nodu kamuwaye nasha dawariya larduya banaduwu-a səriwodu-a;
 - d) nodo-a jiri gadero falda-a captu-a budu fadoye baworo dio-aye kəlan wada tuluwo;
 - e) curo capta-a sawur-a budu sumba baworo dio-ayen na jussana darajaduye kəla kuro.

Kal 19- Hakki fuwumbui tussiye

Kamuwadə hakkinja fuwumbui tussiyen jauro kəjifanduye hakki cadana. Kəla adəyen, larduwadə jawalla jussana sammaa ania dioro majai:

- a) curo sawi larduye fasal fuwumbuiyedəro mana kamu-a kwa-aye nankalkalnjaye yakko ;
- b) mukko njakko kalkal kamuwaye nasha fin yaye anin tədiro waljo : ruwu dio, nia ngoda, yakkəme dio-a ngal siasawa-a fasalla fuwumbuiye-a;

- c) kamuwaye nema kulo gaiye ngawo-a kəla kuro-aro duno njo koro hakki ləmanjayero mərse njo;
- d) Kamuwa ania cawandoro duno njo : kasu, ilmu, fuwumbui raktuye, kidaramma dagarre bəladeyaye-a bərniye-aro faidadu kəndəgai kəji cawando nantalaanja jagarjaro ;
- e) Siasa-a fasalla fuwumbuiye-a ruwjaiya, fəleduwu fuwumbui adamgənaye masammanno kamuwayen faidadu ;
- f) awowa faida bawoa dunialaye-a, siasawa-a fasalla kasuwuye-a arsiyiye-adə kamuwaye nangənaro təgərdənaro yakkəme waldı.

Kal 20- Hakkiya kamu kambaye

Larduwadə jawalla ngəla jussana maja kamu kambadə hakkiya adamgənaye samman kəjiro faidadaro awowa cidiya anin kida tədo :

- a) kamu kambaro awo adamgənaro njəddoye diwi fima nanguro njakko bi bastu təddiwawo ;
- b) kwadə nuna kaldən kamba yallanjuro kistuwumaro walji, yalla ani kəji fandanjaro gəni kuttua ;
- c) kamu kambadə hakki kam ronjuye kəreje niyaduye cədana.

Kal 21- Hakki na ngodaye

1. Kamu kamba hakki warawa kwanjuyen nuwa kalkal fandoye cədana. Kambadə, jiri niyayedə jiri firo walyeno yaye, hakki fado kwanjuyedən dəgaye cədana. Niya kido yaye, hakki adə cədana fadodə kaanjua, bi tiro warasan cadənaa.
2. Kongwawa gai kamuwadə hakki ləman amwurawanjuye kalkallo warasaduye cadana.

Kal 22- Səriwo masammanne kamuwa kawu jawunaye

Larduwadə ania niajana :

1. Səriwo kamuwa kawu jawunaye dio-a jawalla jussana madu kanji awo məraduwa tiyinjaye-a kungunaye-a naptu curo jamaye-an cadana-a kida-a sania kərio-aro ngawonja-an ;
2. Kamuwa kawu jawunaa basari nja-a madu karwuye gəni-a kəmurjo nangaro gayirda-aro səriwodu koro tayiro hakki darajaan tayen mərse njo.

Kal 23- Səriwo masammanne kamuwa maskinnaye

Larduwa curon mukkonjaadə nia ania dioye ngojana :

- a) Səriwo kamuwa maskinnaye jawalla jussana madun dio kanji awo məraduwa kareyaye-a kungunaye-a naptu curo jamaye-an cadanan kida-a sania kərio-aro ngawonja-a nia ngodaro mukkonja njakko-a buduro dioro.

- b) Kamuwa maskinnaye basari nja-a madu karwuye gəni-a maskin nangaro gayirda-aro səriwodu koro tayiro hakki darajaan taye mərse njo.

Kal 24- Səriwo masammanne kamuwa curo riduyen dasaanaye

Larduwadə nia ania dioye ngojana:

- a) səriwo kamuwa talaawaye, kamuwa fadomaye, kamuwa jamawa waadaye yakkudo koro tayiro na jussəna məraduwanja kareyaye, kungunaye-a naptu curo jamaye-a wujənan mərse njo;
- b) səriwo kamuwa curoa bi cakkambi koson dasaanaro kudo tayiro na naptunjaro jussəna-a hakki darajaan taye-a maduan.

Kal 25- Yassa

Larduwadə ania niajana :

- a) kamu fi duwon hakkiyanju-a afuwanju-a sawi adən mananja cadənadəro ganambu təddənadəro yassa jussəna mərsedu ;
- b) yassa jiri ani gaidəa kənduwowu sharaye, kidaramma gomnatiye, majilissaye goniya bi kənduwoma goni laa wada wuljənadə cadiro tabbattuwu.